

**3479. fundur bæjarráðs, haldinn á Garðavöllum,
2. desember 2021 og hófst hann kl. 08:15.**

Fundinn sátu:

Elsa Lára Arnardóttir formaður, Valgarður L. Jónsson varaformaður, Rakel Óskarsdóttir aðalmaður, Sævar Freyr Þránínsson bæjarstjóri og Steinar Dagur Adolfsson sviðsstjóri stjórnsýslu- og fjármálasviðs.

Fundargerð ritaði: Steinar Adolfsson, sviðsstjóri.

Fyrir tekið:

1. 2106179 - Fjárhagsáætlun 2022 og þriggja ára áætlun vegna tímabilsins 2023-2025

Áframhaldandi vinna við gerð fjárhagsáætlunar

Áframhaldandi vinna verður á aukafundi bæjarráðs þann 9. desember næstkomandi.

Samþykkt 3:0

2. 1910114 - Endurskoðun reglna um úthlutun lóða

Endurskoðun reglna um úthlutun lóða.

Bæjarráð samþykkir breyttar reglur um úthlutun lóða og vísar þeim til bæjarstjórnar Akraness til endanlegrar samþykktar. Breytingin felst í að skapa rými í reglunum til að bæjarráð, í umboði bæjarstjórnar geti samþykkt að endurúthlutun lóða sem skilað hefur verið, fari einnig fram með útdrætti samkvæmt nánari útfærslu sem kynnt yrði ítarlega á heimasíðu Akraneskaupstaðar í umsóknarferli viðkomandi lóðar.

Samþykkt 3:0

3. 2107508 - Aðgerðir Akraneskaupstaðar 2021 vegna Covid-19

Bæjarráð samþykkti á fundi sínum þann 11. nóvember sl. tiltekna aðgerðir vegna COVID-19, tímabundið út nóvembermánuð.

Samþykktin sem var gerð var orðuð þannig:

Þann 5. nóvember sl. tók bæjarráð ákvörðun með hliðsjón af útbreiddu COVID-19 smiti hér á Akranesi að fella niður starfsemi í leikskólum, grunnskólum, tónlistarskólanum og frístundastarfi Akraneskaupstaðar föstudaginn 6. nóvember. Jafnframt var lágmarksstarfsemi í þessum stofnunum frá hádegi þann 5. nóvember og þess óskað að foreldrar ungra barna, sæktu börn sín um hádegisbilið þann sama dag.

Vegna þessarar ráðstöfunar samþykkir bæjarráð að í þeim tilvikum sem þjónusta leik- og grunnskóla, tónlistarskólanum og frístundastarfi fellur niður eða skerðist vegna samkomubanns, veikinda eða sóttkvíar starfsmanna eða af öðrum sambærilegum ástæðum verða gjöld fyrir viðkomandi þjónustu leiðrétt í samræmi við hlutfall skerðingarinnar. Í þeim tilvikum sem börn geta ekki nýtt sér þjónustu

vegna sóttkvíar eða COVID-19 veikinda verða gjöld leiðrétt hlutfallslega. Ef foreldrar kjósa að nýta sér ekki þjónustu með vísan til tilmæla yfirvalda um að foreldrar og forráðamenn haldi börnum sínum heima ef kostur er á hið sama við. Ofangreint nær til þjónustugjalda leik- og grunnskóla, tónlistarskólans og starfsemi frístundar í Þorpinu. Ákvörðunin er tímabundin og gildir frá hádegi fimmtudagsins 5. nóvember síðastliðinn og út nóvember mánuð næstkomandi.

Bæjarráð samþykkir að framlengja ákvörðunina og að hún taki til tímabilsins frá og með 1. desember til og með 31. desember næstkomandi.

Samþykkt 3:0

4. 2111203 - Klifurfélag ÍA - aðstöðumál

Erindi Klifurfélagsins.

RÓ vikur af fundi og ÓA situr fundinn í hennar stað.

Bæjarráð samþykkir erindið og að gert verði ráð fyrir viðbótarútgjöldum í fjárhagsáætlun ársins 2022. Bæjarráð felur bæjarstjóra frekari úrvinnslu málsins.

Samþykkt 3:0

ÓA vikur af fundi og RÓ tekur sæti á fundinum á ný.

5. 2111184 - Slökkvilið Akranes og Hvalfjarðarsveitar - úttekt á starfsemi

Úttekt Húsnæðis- og mannvirkjastofnunar (HMS) á starfsemi Slökkviliðs Akraness og Hvalfjarðarsveitar (SAH).

Lagt fram.

Sviðsstjóra skipulags- og umhverfissviðs og slökkviliðsstjóra SAH falin frekari úrvinnsla málsins og að leggja fram minnisblað sem kæmi til umfjöllunar í bæjarráði á síðari stigum og svo í bæjarstjórn Akraness í framhaldinu.

Samþykkt 3:0

6. 2111219 - Styrkir til greiðslu fasteignaskatts 2021

Afgreiðsla umsókna um styrki til greiðslu fasteignaskatts skv. 2. mgr. 5. gr. laga um tekjustofna sveitarfélaga.

ELA vikur af fundi undir þessum lið og RBS tekur sæti í hennar stað.

SFP vikur einnig af fundi undir þessum lið.

Bæjarráð samþykkir að veita samtals kr. 1.490.689 vegna styrkja til greiðslu fasteignaskatts vegna ársins 2021. Útgjöldum verður mætt af óvissum útgjöldum 20830-5946 að sömu fjárhæð.

Úthlutun fasteignastyrkja fyrir árið 2021 er eftirfarandi:

- 1. Akur frímúrarastúka kr. 771.061, færast á deild 05890-5948.*
- 2. Oddfellow kr. 573.300, færast á deild 05890-5948.*
- 3. Rauði Krossinn kr. 146.328, færast á deild 07890-5948.*

Samþykkt 3:0

RBS vikur af fundi og ELA og SFP taka sæti á fundinum á ný.

Fleira ekki gert, fundi slitið kl. 13:15.

Lisa Lára Annars.

Valgerður E. J.

Rannveig Ólafsdóttir

Sam Freyr Linnar
Sinnur Helguson